


Želimo da Zdravka pamtimo i po njegovoj duhovitosti

1. U porodilištu, kada mu se rodio sin
"Pa to nije moje dijete, nema brkove"
2. Nakon rođenja sina i susreta sa mamom (bakom Radojkom) i njenog pitanja – kako je beba, njegov odgovor je bio:
"Ima više ociju nego zuba"
3. U poljoprivrednoj apoteci (sjemenari), kada je išao u trgovačku školu:
Na upit jednog mušterije – kako se daje otrov za miševe, njegov odgovor je bio:
"Tri puta dnevno poslije jela"
Na drugi upit – kako se daje otrov sa muhe, njegov odgovor je bio:
"Uхватите муху, отворите уста и сипате"
4. Objašnjenje prijatelju kako će prepoznati sestru (SEKU) koja treba da mu odveze nešto u kombiju.
"Kada dodje kombi i ako se vozač ne vidi – to je moja sestra što vozi"
5. Na jednom zboru, kada je pomagao Seki u njenom restoranu, i kada su došla tri policajca sa jednim psom, on je prišao njima i pitao:
"Šta pijete vas četvorica?"
6. Ko god mu pohvali brkove, pitao je:
"Hoćes li jedan pelcer?"
7. Kada je bio u vojsci sedamdesetih godina i kada su bili na vojnoj vježbi na Papuku, bilo je veliko nevrijeme, gdje su se on i jos dva vojnika sklonili ispod jednog drveta, udario ih grom. Ostali vojnici i oficiri su ih zakopali u zemlju sa nadom da se povratu elektricitet iz tijela. Zdravko se uspio povratiti i pokazivati znakove života, dok ova druga dva vojnika, na zalost, nisu. Kada se probudio u bolnici u Slavonskoj Požegi i došao svijesti, a ubrzo su hitno došli roditelji da ga vide u bolnici, njegov prvi komentar je bio:
"Imao sam neki nespornost sa Svetim Ilijom".
8. Kada neko spomene, za vrijeme ručka ili večere, da mu treba nož, Zdravkov komentar je ponekad:
"Imao sam ja jedan dobar nož, ali mi čovjek odnese u ledjima!"
9. Kada se renovirala njegova kuća, dosao je jedan prijatelj i poklonio jednu gajbu piva. Zdravkova zahvalnost i komentar je bio:
"Neka ti je ovo preposlednji put da ovako častis!"
Prijatelj je bio oduševljen komentarom i otišao je do prve prodavnice, da bi se ubrzo vratio sa još jednom gajbom piva.
10. Jednom prilikom je kupio gajbu piva za svoje društvo (3-4 prijatelja) u jednoj prodavnici oko 16 sati. Trgovac je zamolio da vrati ambalažu (flaše) do 22 sata. Zdravkov odgovor je bio:
"Garantujem da ćemo mi to popiti i vratiti ambalažu najkasnije do 20 sati".
11. Volio je obilaziti kafane u mladosti i na pitanje da li ima ijedna kafana u Banja Luci, a da on ne zna za nju? Njegov odgovor je bio:
"Može biti, ako je ta kafana otvorena noćas poslije ponoći".
12. Kada je neko uspio da naknadno dobije boračku penziju za učestvovanje u partizanima u Drugom svjetskom ratu, uz pomoć dva svjedoka, a Zdravko je znao da to nije istina, jer je vjerovatno taj bio na suprotnoj strani, komentarisao je ovako:
"Taj je POMAGAO partizane – slao im municiju kroz cijev".



- 
13. Kada je vidio Sekinog supruga Radomira, koji je, inače, ljekar, da gura tačke, rekao mu je:
"Radomire, zar ti nisam rekao da učiš!"
 14. Kada su sinovi, Saša i Strahinja bili manji, ponekad im je govorio:
"Ako budete dobri vodit ću vas da gledate kako djeca jedu sladoled".
 15. Kada je bio jedan od jačih zemljotresa u Banja Luci 1981 godine, komšinica Bosa je izletjela iz svoje kuće i u šoku rekla: "Ljudi – ne mogu doći sebi", a Zdravko je njoj odgovorio: ***"Dodji meni!"***
 16. Tata (Vojin) je ponekad htio uključiti Zdravka u poslove kod kuće, naročito one teže, fizičke, jer je Zdravko bio jak. Zdravko je ponekad odgovorio:
"Ko ce raditi za živog oca?"
 17. Mira, komšinica i bliski prijatelj familije, je rekla nekoliko puta, kada se loše osjeća:
"Nisam dobro – neću ja dugo", a Zdravko bio joj odgovorio:
"Ti to nama obećavas već godinama!"
 18. Kada neko nešto ne zna, najčešće je to komentarisao ovako:
"Teško gradivo, a glup učenik!"
 19. Mama mu kaze, kada izlazi vani: "Obuci kaput, hladno je vani", a njegov odgovor je:
"Hoće li vani biti toplije ako ja obučem kaput?"
 20. Pjesma mami, u mladosti: ***"Kada pjevaju Nedeljko i Zdravko, ja budala moja mila majko"***
 21. Kada su radnici iz banjalučke mljekare, gdje je Zdravko radio, putovali noćnim vozom za Italiju (Trst), u shopping, ujutro su pitali jedan drugoga: šta ko planira kupiti u Trstu. Na to pitanje Zdravko je dao ovakav odgovor:
"Ja ću kupiti motorku da imam sledeću noć kada se budemo vraćali vozom, pošto dvojica mojih kolega sa kojim dijelim kupé, toliko hrču da jedino motorka može neutralisati taj zvuk."
 22. Takodje u istom vozu, u povratku iz Trsta, mnogi su častili jedni druge, između ostalog i sa bombonama, keksom, čokoladom i ostalim slatkišima. Zdravko se već bio prejeo i svi koji su mu još nudili to, on je upućivao na svog kolegu Vuksana, koji je bio krupan čovjek, i širok i visok, to jest sa većim kapacitetom za hranu. Pokazujući na njega govorio je:
"Imate ovdje pored mene "kontejner" pa njemu dajte slatkiše."
 23. Kada smo jedno ljetnje večer sjedili u njegovoj bašti, roštiljali i popili malo rakije i piva, pitao nas je Zdravko u jednom trenutku: Hoćete li da vam otpjevam jednu pjesmu iz Kolorada? Mi kazemo – može, a on zapjeva:
"Haj'd u kolo Rado" itd.
 24. Na putu prema kafani sa prijateljem Vuksanom, prije mnogo godina, predložio mu je:
"Hajde da pretvorimo pare u tekućinu!"
 25. Svom radnom kolegi iz mljekare, Urošu, koji je bio jako mršav i tanak, rekao mu je:
"Ti Uroše trebaš dva puta ući u kafanu da ljudi primjete da si ušao."
 26. Na prijedlog da popijemo jedno pivo po pola, njegov odgovor je bio:
Popit ćemo dva piva po pola."
 27. Ponekad je govorio:
"Prvo trošimo tvoje pare, pa onda svako svoje."
 28. Kada ga neko očekuje da dodje, i požuruje ga, njegov odgovor je bio:
"Dolazim uskoro. Dok kažes riječ "GRAH" I dok se skuha – eto mene."
(Znamo da se grah kuha 3-4 sata).
 29. Kada mama napravi mnogo sarmi i pita njega koliko ćeš ti, a on odgovori:
"Tri pa jednu sarmu." (ko zna pravila pokera, zna šta znači tri pa jednu, kod dijeljenja).
 30. Za pojedine osobe, pogotovo žene, znao je davati ovakve komentare:
"Dobra, a izvikana" ili "Lijepa ali zanosana."
 31. Ili ova njegova izreka: ***"Ljudi, braćo, da sam znao ne bi svrać'o"***
 32. Pričao je, naravno u šali, kada je jednom bio ljut na svog tatu. I ovako objašnjava:
"Ne mogu na oca dići ruku, pa kad sam ga onda nogom..."

33. Pitaو je popa na Paprikovcu, naselju gdje je živio:

"Na kojoj godini fakulteta se učite lopovluku"

34. Kad sretne nekog starog prijatelja, pitaو je:

"Nešto se ne sjećam, ko je prošle godine umro - ti ili tvoj brat!"

35. Bio je mobilisan pred kraj rata I bio na ratištu na Vlašicu. Jednom prilikom mu je sestra Seka poslala veliki paket sa hranom, gdje je bila i jedna velika lubenica (preko 14 kg), za njega i njegove drugove. Hranu je nosio u jednoj ruci, a lubenicu u drugoj ruci i tako prolazio pored drugih vojnika. Nije se dobro vidjelo jer je bio polumrak – suton.

Kada su ga drugi vojnici pitali šta to nosi, a on je rekao da ***u komandi dijele šljemove***, jer u polumraku lubenica liči na šljem. Odmah su se nekoliko vojnika pobunilo i oni hoće da ih imaju, uputivši se prema komandi, misleći da se dijele šljemovi.

36. Prije rata je bio u Derventi, kod brata Nene, I posjetio jedan plac sto je Neno kupio I planirao graditi vikendicu. Do tada je Neno napravio samo jednu malu šupu za alat, koja je bila 3-4 puta manja od njegove šupe. Zbog toga je Neno zvao svoju šupu "ŠUPČE".

Na to je Zdravko rekao:

"Ako je tvoja šupa "ŠUPČE" onda je moja šupa "ŠUPČINA".

37. Kada je njegov otac hvalio neku službenicu u njegovoj firmi i u više navrata predlagao Zabi da je oženi, on mu je "odbrusio: ***"Ako je tako dobra, i ako se tebi sviđja, oženi je ti!"*** i jos je dodao ***"A šta ćemo sa mamom?"***

38. Njegova cuvena provala iz vojske.

Sletio neki general helikopterom u kasarnu, a vojska (njegova jedinica) je trenutno imala slobodno "voljno". Vjerovatno je druga jedinica dočekala generala.

Kada je general vidio ovu drugu grupu vojnika, da slobodno leže, ljenčare, a poneko raskopčan i slično, prišao je njima i pitaو ljutito: ***"Čija je ovo vojska"***, a Zdravko je odgovorio:

"Kraljeva vojska".

Razljućeni general je naredio da se "ovaj vojnik dovede "na raport"i da se kazni. Uspostavilo se da se starješina (oficir) komandant Zdravkove jedinice prezivao **KRALJ!** Onda su ga pustili.

39. Jednom prilikom nam je pričao, kada je spavaو, čuo je da nešto izlazi iz ormara.

Kada je malo bolje pogledao, primjetio je, kako je rekao:

"Da njegov kaput izlazi iz mode".

40. Kada neko nema smisla za humor, govorio je:

"Pun si viceva kao lopta špiceva"

Ovo je jedan dio njegovog humora.

Zdravko – Zaba je bio izuzetno darovit za humor i vrlo je teško naći nekog sličnog njemu, ko je imao tako dobru i kvalitetnu duhovitost i nevjerovatno jaku inspiraciju za to.

Može se reći da je bio pravi ekspert za šale koje su pogodovale trenutku i situaciji.

Vanserijski humorista

Vanserijski kartaroš

Nikada nije uzrokovao konflikte niti se želio svadjati, iako je bio jak.

Nije volio nepravdu i u takvim slučajevima je reagovao.

NASTAVAK "Zabini "biseri", zanimljivosti, događaji i sjećanja

41. Na zborovima sa Sekom je konobarisao i Zaba. Pivo su hladili u jednoj bačvi punoj leda. Zbog toga su često etikete otpadale sa flaša.
Kada je jedan gost dobio pivo bez etikete, pitao je Zabu – koje je ovo pivo?
A Zaba je njega pitao – koje ti želis. Gost je odgovorio "Tuborg". Zaba je već imao u ruci nekoliko odlijepljenih etiketa (Nektar, Jelen, Tuborg), uzeo je etiketu Toborg piva i zalijepio na flašu koju je dobio gost. I rekao mu – **Izvolite, sada imate Tuborg pivo!**
42. Na istim zborovima su stolove čistili, između ostalog, i sa jednom četkom. **Jednom prilikom je, jedan prijatelj sto je pomagao (Aco), čistio sto, i inspirizan Zabinim humorom, nastavio po gostima da i njih "čisti" po ledjima i prsima.**
43. **Jednom se jedan pop napio na zboru u Gomionici i žestoko potukao sa jednim čovjekom, u Sekinom restoranu, a Zdravko je njih razvadjaio.**
44. Kada smo jednom igrali lopte u komšiluku, jedan dječak, što je igrao sa nama je u jednom momentu poderao svoje hlače, malo na jednoj nogavici. On je počeo da plače i rekao je plačući: Poderao sam nove hlače", a Zaba je to prokomentarisao ovako: **"Ako su to nove hlače, kako tek izgledaju njegove stare".**
45. Brat Neno je od njega naučio jednu "prodajnu" pjesmu", što je on ponekad recitovao, i to vrlo brzo. Sve je rekao u 10-tak sekundi:
**"Navali narode na lageru ima:
lavora, šporetskih rora. motora, stora, turpija, burgija, česagija, belagija, oklagija,
šnjura, kinoaparatura, gitara, samara, škara, vinjeta, pinceta, maketa, šporeta,
vica, žica, udica, najlona, balona... i razne stočne hrane za sve hajvane."**
46. Koristio je šatrovački jezik krajem 60-tih i cijelih 70-tih godina. Bio je ekspert za to. Ko ne zna šatrovački, evo kraće objašnjenje i primjeri. Obično se svaka riječ počinje govoriti od drugog sloga, a završava prvim slogom.
Na primjer:
Dodji – **"Djido"**, Rada – **"Dara"**, Seka – **"Kase"**, Kuda ideš – **"Daku deši"**,
Kupus – **"Pusku"**, Ko te šiša – **"Te ko šaši"**, Škola – **"Laško"**, Lopta – **"Ptalo"**,
Neno - **"None"** (vjerovatno je Zaba dao nadimak Neni – **None** krajem šezdesetih.
Neka to bude uspomena na njega)
47. Ponekad je imitirao Rome koji reklamiraju cirkus, a nisu znali dobro naš jezik, i to sa pravim romskim naglaskom:
"Dragi građani, danas je u vaše mesto došao cirkus "Adria". Sa cirkus je došao i jedno veliko zmijo – od glav do rep 3 metri, od rep do glav 5 metri."
48. Često je govorio: **"Nemam pojmeta"** i za sako je govorio: **"Sakao"**.
49. Ako nešto ne zna, kaže: **"Nisam je odavde"**.
50. Jedne godine se pokušalo sa uzgojem pilića. Tata je to bio nabavio, a jedan dio je bio na Paprikovcu, gdje je Zaba trebao da se brine o njima. Kada je tata nazvao telefonom i pitao Zabu: "Da li si nahranio piliće", a on je odgovorio: **"Dao sam im po 10 dinara pa neka sebi uzmu šta hoće"**.

51. Kada je žena Rada bila odsutna nekoliko dana (negdje otputovala), pričao je Zaba da je tih dana, dok je bio sam kod kuće, citao novine **"Oslobodjenje"**, a od onaj dan kad se ona vrati, rekao je da će čitati novine **"Borba"**.

52. Kada neki gost dodje kući, pitao je, u šali, - **"Kako si – kada si došao – Kada ćeš ići"?**

53. Kada nazdravlja domaćinu (na slavi i slično), ovako je obično govorio:
"Domaćine, da ti rodi pšenica bjelica i kupus glavica kao dječija guzica"!


54. Kada smo jednom davno nazvali ih telefonom, javi se Zaba. Pitali smo: kako je kod vas? Zaba je duhovito odgovorio: **"Ima slike, ali nema tona"**. Iz toga smo zaključili da je bila neka ljutnja kod kuće i da trenutno njih dvoje nisu govorili izmedju sebe.

55. Davno, dok je bio momak i imao priliku da se upozna sa nekom djevojkom, i ako ova nije baš bila lijepa, i njemu se ne sviđa, onda Zaba nije govorio svoje pravo ime, nego je koristio ružnija imena.

Kada se u takvim prilikama upoznao, najčešće je govorio da se zove: **Vaskrsija**.

56. Pokazivao je nekada, u šali, kako se treba krstiti:

UDBA – KNOJ – PARTIJA - SKOJ



UDBA – Uprava državne bezbjednosti Jugoslavije do 1966

KNOJ – skraćenica za "Korpus narodne odbrane Jugoslavije" kao izvršni organ OZNE (OZNA - odjeljenje za zaštitu naroda od 1944).
Nastala je izreka u narodu: *Ozna sve dozna*.

PARTIJA – misli se na Savez komunista Jugoslavije

SKOJ – Savez komunističke omladine Jugoslavije

57. Kada ga mama pita: "Kuda ideš", a on odgovori: Idem da gledam "trke valjaka u Novoseliji" ili "Idem na stanicu istovarati novčanike".


Pored toga što ga je udario grom dok je bio u vojsci, i jedva ostao živ, imao je još nekoliko po život opasnih situacija:

58. **Odsječeno pola stopala.** Dok su bili na selu, kao djeca, njegov brat Krstan je pokušao kositi travu kada su se radnici odmarali. Krsto je tada imao 11-12 godina. Tada je bila ručna kosidba, a kosilice su bile vrlo oštre. Zdravko se igrao i trčao po njivi, i u jednom trenutku naletio na Krstinu kosu (kosilicu), tako da mu je Krsto zahvatio stopalo i posjekao oko pola stopala, sa gležnjem. Brzom intervencijom rodbine, i vojske koja je dala auto, stigli su do doktora na vrijeme, u Banja Luku.



59. **Okretao se na ljujački pune krugove, za 360 stepeni.**

Imao je tada oko 15-16 godina, kada su se u komšiluku takmičili ko će napraviti najviše cijelih krugova stojeći na ljujački. On je pravio preko deset, a možda i petnaestak krugova, bez prekida, tako da se u jednom trenutku zavrtjelo u glavi i izgubio kontrolu, pa ga je inercija od okretanja izbacila, i letjeo je nekoliko metara, i pao, udarivši i glavom i tijelom na beton. Bio je u nesvjesti i pružena mu je brza pomoć od rodbine i komšija. Na sreću, povratio se.



60. **Saobraćajni udes.**

Dok je radio u Mljekari u Banja Luci, često je išao kamionom, sa nekim od kolega i razvezio mlijeko i mliječne proizvode u pravcu centralne Bosne: Zenica, Vitez, Travnik, Bugojno, Jajce i još neki gradovi.

Jedne zime se njihov kamion sudario sa jednim fiatom 1300, u predjelu planine Vlašić. Sudar je bio žestok. Pošto je kamion jači od fiata, nije bila opasnost po život za njega i njegovog kolegu. Zaba je bio suvozač i kao takav, od sudara, je proletio kroz šoferšajbu i ostao na haubi kamiona. Imao je kapu na glavi, jer je bila zima, i to mu je ublažilo udar glavom. Bez većih posljedica za njega i vozača kamiona. Medjutim vozač fiata 1300 je bio u vrlo teškom stanju. Zaba i kolega vozač kamiona su ga spasavali i vadili iz fiata. Prema riječima Zabe: "vozač fiata je još uvijek disao, dok su ga vadili iz auta". Da li je ostao živ, ne znamo.



Fiat 1300

Sva odjeća na njemu je bila potpuno krvava. Kada je došao kuci htio je da mama ne vidi krvavu odjeću, da se ne bi sikirala, pa je svu tu odjeću stavio u vešmašinu. Mama je ipak primjetila krvav veš i tada je Zdravko ispričao mami sve šta se dogodilo.

Pamtit ćemo Zdravka i po tome da je svaku sredinu prihvatao kao svoju i osjećao se prijatno i zadovoljno gdje god on bio: u svojoj porodici, na poslu, u kafani, u komšiluku, u vojsci itd. Pomagao je drugima kada je mogao i bio nadprosječno solidaran.